

NORTHERN MARIANAS COLLEGE

ORAL HISTORY PROJECT

CNMI ARCHIVES

Date: December 09, 1997

Interview: Herbert S. Del Rosario

Interviewee: Justice, Ramon G. Villagomez

Place: Nauru Building, Susupi

Video Man: Ray D. Diaz

Transcriber: Nomi Lifoifoi Kosaka

Intruduction: Hafa Adai, yan Buenos Dias. Pago na haane Dicembre dia kuatro, mit nueve sientos nobietai siete. Ya enkuenta di Norther Marianas College i CNMI Archives. Malago yo na baihu chuli este na oportunidad, ya baihu extendi un dangkulo na agradecimiento yan si Yuus Maase para si Justice, as Honorábli Ramon Garrido Villagomez, pot i hana possible i tiempona para u estoriaye hit pot i expirensianna, distiki humalom ya manietbe gi Gobietna-menton i Sankantan na Isla giya Marianas, Komo Jues yan lokue komo abugado guine gi gobietnota. Ya talo un biahe si Yuus Maase Justice Villagomez, pot i un sede ham para baien interview hau pago na haane. Ya i Primet na cuestiona nai balago yo na para baihu faisen hau.

Q. 1 Nu Kuantos anos manietbe hau komo Jues, guine gi Gobietnon giya Marianas, parehoha desde i san papa na cotti asta magi guine gi Supreme Court?

A. 1 Gi San Papa na Cotti, ayo i tafananaan, Superior Court. Machocho yo gui tres anos, komo Judge o sino Jues. Despues nu kumahulo yo guine gi Supreme Court, este i san hilo na corti.Ya esta hu set-bi ocho anos guine gi Supreme Court.

Q. 2 Si Yuus Maase, Nu Senot. Nu antes di un halom ya un o sino ma-a punta para Jues guine gi Cotti, guaha siha ottro na possision ni un ocupa gi Gobietnamenton i Northern Marianas?

A. 2 Hungan. Anai humuyong yo gi Eskuelan Lai, Finenina machocho yo gi Offisinan i Public Difender, guine giya Saipan. Despues machocho yo gi Legislature ayo i mafananaan Legislative Council, osino osino Abugadon i Legislature. A anai monhayan yo gui, humuyong yo ya ma-

chocho yo gi iyoko private firm komo abugado. Estaba yo gi private na chocho anai ma apunta yo para baihu Judge gi 1986.

Q. 3 Okay si Yuus maase. Nu hutungoha na dangkulo siha na tinilaika man masusedi gi tiempo gi anai malilie hau komo Jues, Nu sangane nu masea inos kuantos grano ni ayo siha i man ma kumpli gi duratien i terminommo gi anai manieniebe hau guine gi Superior Court yan gi Supreme Court? Hafa siha man machocho gue?

A. 3 Finenina sina un hatsuha na gi mit nuebe sientos ochentai sais, (1986) na sakan, gi anai hu tutuhon machocho komo Jues. Taya guihe na tiempo Superior Court. Tafananaan i Kottetta guihi Trail Court. Ayo gui na Kotti ayi i finenina ta fatinas gi papa i Constitution. Dangkulo na tinilaika masusede gi ochentai nuebi na sakan. Anai i Lehislatura ha fatinas nuebo na Lai, ya ana guaha este i Supreme Court. Taya Supreme Court antes di ayo na tiempo i 1989. Antes de este na tiempo i '89, na sakan, yangin guaha kausa ginen i Trail Court, ginen i san papa na kotti, para umachuli hulo gi latatkilo na kotti, mana hanahannau guato gi i Kottin i Federat. Ayo i tafananaan guini nu District Court. Guihi na biahe i kotten i Federat estaba guine gi halom i Nauru Building. Este anai man gaige hit pago. Pago este na kotten i Federat gaigi guihe kattan gi Horiguchi Building giya Garapan. Pues anai fotma este na Kotti i Kottin i san-hilo, ni tafananaan pago, Supreme Court, ensigidas i Gobietnotta guihe na biahe si Teno, ha hapunta hame, si Jose Dela Cruz, Komo Chief Justice, yan guaho komo Associates Justice. Pareho hame na dos esta hami guihi papa gi Trail Court guihe na biahe. Lau anai mafatinas este na Lai, i fumotma i Supreme Court, matulaika naanna i Trail Court, ya mapolo guato gi Superior Court. Pues i '89 na sakan nai humuyong este i Superior Court. Pareho na momento anai ma fotma este i Supreme Court. Pues hami yan si Judge Dela Cruz, ginen papa gui, ma-apunta hami, para baien hanau hulo guine gi Supreme Court. Pues ala kuenta hami na dos Finenina nu fumotma este na Kotti. I Kottin sanhilo. Tatatti nu ti atman na tiempo, ma apunta si Jessi Borja. Si Jesus Borja, komo i mina tres na Jues para i San hilo na Kotti. Sa gi papa i Lai ni mafatinas nu hanesesita tres na Jues para ufan matachong guine gi Kotten San Hilo. I Rason ni muna managuaha este, i Supreme Court i Kotten San Hilo, pot para u-ina i disision i

i San Papa na Kotti. Guihi gi San Papa na Kotti, ayigi nai man hahanau guato i Publiko ya ma presesenta i Kausan niha, ayigi nai man gakaulo i testigo siha, ya masasangan i estoria pot hafa ma susede gi kausa. Despues i Jues, dos na puntu, hadisiside gi Superior Court, gi San Papa na kotti. I finenina na puntu hadisisidi, hafa masusede gi kausa. I segundo na puntu niha disisidi i hafa na Lai haprekanti para ayo na sinisede siha. Pot ihemplo, yangin ma akusa i tautau na maniuniugon, ya bulacho, pues i fineni-na na na i kotti para udisidi kau magahet na maniuniugon i tautau gi bulacho na manera. Yangin hasotda na ahe, pues ma dismissa i case. Yangin ha sotda i Kotti na hungan, maniuniugon gi anai bulacho pues hadiside hafa i Lai, gi nagagau. Hafa para uma-chogue, ni este na tautau. Pues yangin ilegna i Lai, debide uma preso, tres dias. Pues i kotti debide upresu tres dias. Pues en-nagui i dos puntu ni machocho gi gi san Papa na kotti. Hafa masusede yan hafa ileglegna i Lai pot ayu na sinisede. Yangin mohayan ya i uno gi entre i dos na pattida guihe papa, ilegna na lachi disisionna i Jues, Guaha oportunidadna para umachule ayo na kausa hulo guine gi Supreme Court. Guini gi Supreme Court ti ti in-eekungog i testigo siha. Ti in-aatan hafa masusede, in ina- records, in-ina i patpet ni esta monhayan ma tugi guihi papa, Ya ginen ayo nai in diside kau lachi pat dinanchi disisionna i Jues. Yangin in setda na dinachi disisionna i Jues, pues, in, ayo i mafananaan in afirmed in confitma ya enbira tatte ya ensagane na maulegha i disisionna. Pago yangin lachi i disisiona i Jues, ya guaha na biahhe nai lachi. Pues in bira, in bira tatte ya entago na una dinanchi. Osino hami mismo ni tres na Justices guine gi Supreme Court, in na dinacheha i disision. En diside hafa dinanchi, despues in in bira papa ya ensagane na uma chogue sigun i disision i Supreme Court. En-nague na diferensia i San Hilo na Kotti yan i San Papa na Kotti. Pues, para baihu oppi directamenti i questionmo, hafa na dangkulo na mantinilaika siha, I maforman i Superior Court yan i Supreme Court, en-nagi mas dangkulo na tinilaika gi halom i tiempo nai machocho yo guine Kotti.

Q. 4 Okay. Hafa uno na accomplishment gi fino English nu ni ayo i sina un satsu tatte komo chechomo pat guine gi anai machocho hau ni ayo i un fachuchui para un nasigura na makompliguine gi tiempo?a?

A. 4 Sina baihu tuka huyong uno na sinisedi, ni ayo iilegko na mauleg para i tanota. Anai pago hututuhon machocho gi papa gi Superior Court, Hu ripara na i masusede guine gi Gobietnota, pot bandan este i Lawyers, Nu pot i taya, osino tinahong Abugado gi tanota ni mismo tautauta nai, I mamachochocho siha gi Gobietno na Lawyers, man makokonne, ginen Lago. Ginen i otro lugat. Ya man makokonne magi guine. Para dos anos na tetmino. Gi halom i dos anos na tiempo ni manchocho guine, ha...matungo dididi pot i tanota, pot i tautauta yan pot i Lai siha guine. Pues yangin esta nu man kapas esta man mauleg nu sinenten niha guine ya mauleg checho ninaha, Ma bira siha tatte gi tano niha, pues man man hiher hit talo man magonne hit talo nuevo ni ayo ni ayi i tihatungo pot este na lugat. Huripara na makat ta adelata mona nu gi anako na tiempo i Lai yan i disision siha, sa sigiha ta-tulaika i tautau ni man mafato magi para ufan man ayuda gi bandan Lai. Pues hu agan meeting i Gobietno yan i Lt. Governor. I Presidenten i Senate yan i Speaker i San Papa na Guma gi Legislature. Yah todo i Chamorro siha na Lawyers yan Judges yan i Presidenten i College, si Agnes yan i Commissionan i Education ya man meeting ham guine gi Grand Hotel. Ya hufatinas propositu, na uta espia enpenio ya tanafan Eskuela tautauta gi bandan Lai. Ya tanafan hanau ya ufan eskuela, pues uma bira siha tatte ya ufan machocho guine. Sa yangin mismo tautauta tanafan hanau, ya mabira siha tatte maniaga petmanente. Fuera ki maniaga permanenti, lau gaigi sinenten niha yan korason niha guini gi tanota yan i mauleg i yanota. Ti uma kontinua ayo na sistema i kada dos anos tatulaika Layers, kada dos anos tatulaika, kada esta man mauleg sinenten niha pot taimano machogueuenna i checho guine, para ufan hanau pues man matulaika. Ginen ayo na propositu, mankonfotme todo i i Legislature yan i yan i Exsecutive Branch, yan i Kotti, yan i College, na ta espia empenio ya tanaguaha programa. Pues in na guaha Programa. Ennagi uno, nu masusedi enau pot i ginen i rini-para ho. Ni man masusede guenau na tiempo, Siempreha buenti ta alaba mas pot enau na puntu yangin man sigi hit mona.

Q. 5 Nu, gi anai matutuhon enau na Programa, gi Colleho, bula tau-tauta nu ma chuli enau na oportunidad?

A. 5 Hungan. Anai ma establese este na Programa i mafananaan Pre-Law

Program, guiya este na Programa ayo i para uninafan interest i man ma gradua gi Collehio na tautauta. Para ufan hanau ya ufan-eskuela Lai. Guaha gi finenina, na Programa, guaha kinsi man halom. Pues esta guaha kuarto pot todo na programa, mana guaha ni este, kuarto na biahe ni mana guaha ni este. Yangin taiguihe i Summer na tiempo. A,..Gi halom i man niaunau guine siha na Programa lamegai man hanau man eskuela Lai. Gi halom ayo i man hanau man eskuela Lai, esta man mato tatte onsi pot todo man ma gradua. Gi Lai ya man mato tatte. Guaha gi presenti tresi man eskuékuela gi Law School. Ya gi halom tres anos man mato siempre tatte ya man machocho guine. Uno na diferencia, anai taya man eskuékuela yan pago. Yangin humanau hau papa gi Superior Court, ya humalom hau gi iyon niha Library, ya un atán haye siha nu man machochocho, komo ayop siha i man mafananaan Law Clerk, ayo i chumochogui i research pot Lai, gi Kotti. Kuarto na tautauta man gaigi guihi pago. Anai antes di ta tutuhon este na progra, tododo i Law Clerk, guini gi kotti puru man ma hier ginen i otro lugat. Ginen America magi. Pues pago gaigi guihi papa si Josen Bermudez, gaigi si Ramon Dela Cruz, gaigi si Antonion Cabrera, yan gaigi si Mona Villagomes Manglona. Siha i kuarto nu este siha productun ginen i Pre-Law Program. Ya man gaigi pago na man machochocho guine. Uno na punto malago yo bai sagan pot este na programa, Este siha na tautau ni tanafan hahanau para ufan eskuela pot Lai, Despues ma bira siha tatte, Siha este siha, fuera ke para uma chogue i ginahagagau na chocho Lai, Para i legislatura, yan i Exsecutive Branch yan i Kotti lau yangin esta man aamko este siha mona ya maniasagaha guini nai ya mas man man ma-eduka yan man maniuli expirensia siha yan taiguenau siha na punto nu, Siha este siha nu kandidatu gi manmama-maila na tiempo, para tanafan man man-tiene ni este na posibilidad? siha i Congreso yan Gobietno, Lt. Governor, Judges siha yan Jues taiguenau. Pues ta produduse pago na tiempo siha nuebo na Layers ni ayo i sina ha-setbi megai na manera yan atman na tiempo.

Q. 6 Fuerade éste i Probleman Lai, yangin ti lachki yo, guaha talo otro programa ni umayudadaye i Gobietnota, i Collehio. Gi ti-atmaman na tiempo, sagane yo fan dididi pot enau na programa?

A. 6 Un hahaso pot este i programan pot Mediko? Este i Programan pot Mediko, nu mato gi hinasokko anai huripara na nu ginen i programan

i pot Lai, Megai esta man hanau ya man mato tatte ya para ufan Layer. Hu tugii i Gobietno, si Governor Frailan Tenorio, Kasi tress anos tatte, hutugi ya husangane na mauleg ta chagi muna guaha Pre-Med Program. Programa este para tanafan gai interest i tautauta para ufan eskuela pot Mediko. Ya ufan Doctu, pues uma bira siha tatte ya ufan machocho guine gi tanota. Taimano pago taigui as Doctor Hocog. Si Doctor Aldan, Yan Doctor Ada, taiguenau siha, Hofshnider. Nu kalan taya kinalamten giñen i Exsecutive pat i Legislative, pues hu guaho mismo na maisa hu agan meeting i Doctota siha guine. SI Doctor Hocog, si Doctor Aldan i Presidenten i College, i Lt. Governor ya man meeting hami, esteha talo Lago i Grant Hotel. Buenti pot i ihot, ginen i Kotti este na esteha i guabonai man mimiting hami. Lau hu nae propositu na tana guaha Programa para ayo i mafananaan Pre-Med Program para tana guaha interest gi tautauta, ya para uma, fanhanau ya ufan eskuela Mediko. Pues este na Committe, Nu esta sigi mona i checho niha, ya guaha Pago nu ma-kosidedera gi University of New Mexico Medical School, i eskuelan Doctor este giya New Mexico na State. Guaha propositu ginen hita, hagagagau na yangin man ma sedi hit, na utanafan halom estudianteta guihi na Eskuelan Mediko, i Gobietnota para u-garentia na ufan ma-apase siha ni ginagagau para ufan ma-apase yangin ma-acsepta i estudianteta. Ma-iina pago ayu na propositu ya tanannanaga i resulta ginen siha kau asepta, kau tafan masede na para tafan manae ni este siha na na..priblehio. Yangin man manae hit, kumekeilegna na kada sakan guaha uno pat dos na tautauta sina tanahalom guihi ya ufan eskuela para Mediko.

Q. 7 Si Yuus Maase Justice Villagomes, nu pago na semana, anti lachi yo siguon gi malagnos gi gaseta, I uuttimo na semana nai para un-nasetbi i kotti. I Suprima na Kotti giya Marianas. Espicialmente i Gobitnamenton iya Northern Marianas, Nu hutungoha na kada tautau guaha ayi iyonna goal, ni hafachuchuchi para u hahanau giya hululu, antes de u ritirau. Hafa mohon nu, sina un sagane ham ni este i, hagoha trambia fanaan segunduha ginen i Supreme Court komo Associated Justice, ya para un tungoha na buesti uno gi iyonmo, right time ni, huanau giya hululu komo Chief Justice. Ya trambia hohobin hauha. Ya esta para un ritirau. Hafa mohon sina un sagane ham nu enau

i...i hutungoha na... tihutungo kau dinanchi yo ni este i ti un kumple gi magahet, i buenti i guinififimo, Sina un sangane yo diñ didi pot enau?

A. 7 Hungan. Este i bandan checho Lai, yangin Lumoyer este i tautau nu a..sina taallog nu...na megai na Layers, ayo i megai na abogado ayi siha na ilegniha na yangin kumahulo siha ginen i Abogado, asta hulo gi Juse, Gi San Papa na kotti, despues kumahulo gi gehulu gi Suprema na Kotti, Nu kalan megai gumiguifi na enagui na chalan mauleg matattiyi. Ya sueti yo, sa hufatinas enau na....hufatoigue enau na lugat. Hufatoigue este na lugat, hu tattiyi este na chalan ya hufatoigue. I puntommo kau hu guiguifi na para baihu Chief Justice guiya enau i yahululu na postu guine gi bandan Kotti. Hungan yangin manae yo nu enau na oportunidad baihu accepta. Lau debide ta-komprendi lokue na i disision a...kau haye para umana Chief Justice gaigi gi Gobietno yan i Senate. Yangin i Gobietno yan i Senate hadisidi na guaho para baihu mantiene enau, pues bai hu-accepta lau, gi anai madside na otro pues nu siempreha tafan satisfecgcho ni disision i Gobietno yan i Senate. Gi finalofanho mona, guine gi kotti, parehoha i san papa yan i san hilo, i Gobitno yan i Senadot siha, ma polo na bai hu gaige giayo i mafananaan Associate Justice, ya timanae yo enau na pribilehio i para baihu Chief Justice ya hu acceptaha enau na disision, sa en-nagui nu puetun niha. Lau satisfeccho yo ni este na possion i Associate Justice. Sa alakuenta i responsabilidad i Chief Justice yan i Associate Justice gi bandan Lai, parehoha. Ayo na diferencia i bandan Administration i Chief Justice guiya umaatan i kinalamten i Kotti gi bandan i Administration, I Associate Justice man man ayu-yuda yangin man mafaisen ayudu ginen i Chief Justice. Lau gi bandan i para ufanman disidi kausa, parehoha mona i kinalamten yan i responsabilidad, i Chief Justice yan i Associate Justice.

Q. 8

Este yangin pot i hemplo, utungoha na agupa na haane uttimo hau guine gi postummo nai, Lau yamo mu-retired hau, sinaha un bira hau tatte guine gi kotti komo ma appoint hau talo unbiahe?

A. 8

Hungan. a...dos na puntu enau,nai. Finenina kau sina ubira yo, Kau sina ma talon ma-apunta yo ya baihu bira yo. Hungan sinaha. Lau i sigenti na puntu, kau a...mauleg na para ubira gui tatte i

tautau ni esta retired guine gi Kotti nai. Kau ayi guaha rason na para ubira gui. Ilegko na makat buenti i tautau habira gui. Yangin esta retired. Sa este i Judge yangin atman esta na tiempo nai machocho cho gui komo Jues nai, dangkulo na salapi para u ganna gi papa i retirement. Yangin sumaunau gi retirement. Pues yangin alakuenta, yangin parehoha para ugaganna, yan machocho yangin timachocho nai, Pues yangin machochocho, kalan mohon ayi i machochocho buluntario, kalan mohon ayi i for free na klase sa ti nisisario ma chocho ma-apapasiha,pareho. Pues a...ennagui, gaigi i i disision gi bandan i mafananaan Economic, i bandan i salapi.

Q. 9 Guiya na questiona nu hago lamon kau malago hau nai man oppi, ayi Guaha, hafa planumo yangin, hafa palanumo yangin esta muretired hau?

A. 9 Gi present i planuho para baihu discansan naihonha. Nu unos kuantos simana sina buenti un mes na tiempo. Bai a..ilog fino English bai relax ya baihu atan hafa man masusesede siha gi halom i tanota. Ya yangin hu atan hafa man guaha guihi huyon ni sina man ayuda yo. Pat sino sina sumaunau yo, manietbe. Ayigi nai baihu tutuhon talo nu kumalamten. Guaha siha planuho ni ayi i para baihu fan ayuda gi comunidad, pot hemplo, guine gi bandan Boys Scout. Esta ocho anos de humantiene este na possision i Chairman, gi Boys Scout guiya i mas tatkilo na possision este. Malago yo na baihu continua ya baihu na ladangkulo i Boys Scout guine gi Commonwealth. Bai chagi muna guaha Boys Scout gi kada Village. Sa mauleg na programa, este para i famaguonta. Malago yo lokue na baihu chagi este na programa i para baihu na fan dannia <sup>nu</sup> unos kuantos membro gi kada village, kada songsong. Pot ihemplo nihi ya tafan hanau gi Dandan Homestead. Sina bai famaisen gui masea dies na lalahi yan famalauan ni man gai edad esta ayi i man gai familia, Ya man interesau para ufan man maayuda. Ya baihu na fan meeting, baihu na fan dannia ya baihu na faguntos pot hafa sina man machogue ni para uma adelanta mona i songsong niha. Nu hafa taimano ni para umana bonitu i lugat, Kau fan mata-numi flores,pat troko siha i kanton chalan, nu kau guaha siha problema gi bandan man hoben. Hafa muna guaguaha problema kau ti nahon kinalamten par i famaguon. Yan kau hafa sina ma planea para umana guaha na kinalamten, tat komo basket Ball pat, Boys Scout, Girls Scout taiguenau siha. Yangin sigi mona man meeting, sina tafanaan este kalan ayi man,kalan pareho yan ayi i mafananaan Village



council. Na concept nai. Ni ayi i guaha unos kuantos na membro gi halom i village. Nu man dadannia yan mamatitinas idea, despues man masagagane huyong i village ni este siha na idea. Despues manafan dannia tautau siha ya man machogue nu hafa sina man machogue ni para uma adelanta mona i iyon niha village. Manago yo baihu chagi enau.

- Q. 10 Okay. Si Yuus Maase. Fuera de este i Boys Scout guaha otro siha na organisasion ni ayo i membro hau pat man ayuyuda hau?
- A. 10 Hungan. Nu hagas membro yo yan hu continunua mu-membro gi ayo i mafananaan Rotary Club. Guiya este na inetnon ayo i inetnon nu i man Bissiness siha na tautau yan ayo i man profesional man mafananaan na tautau, Tat komo este i Lawyer nai Professional pareho yan ayo i Accountance siha yan Engineers Professional. Pues este i Rotary Club nu na Orgaization, buluntario este yan nu ti Business ayo i non-profit mafananaan. Man dadannia siha i man business yan man profesional na tautau ya man aanai idea hafa taimano nai sina ma adelanta mona i tano, yan hafa taimano siha man ma-ayuda ayo siha i man namase. Pot ihemplo, kada guaha tautau kimason gima niha, Ensigidas in espia ya en-ayuda, enae salape pat nu materiat siha ni para ufan ma-ayuda. Sumasaunau yo lokue gi ayo i mafananaan Saipan Chamber Of Commerce. Otro na Organization i man Business siha na tautau este. I man malofan siha na tiempo nu guaha siha na lugat nai sumaunau yo, Sina un hatsuha na ginen guaho Chairman gi Board of Parrot. Ginen hu fotma ayi i mafananaan AFS International Intercultural Sholarship Program. Ni manafan hahanau estudiante siha para America. Ginen nu Prumesidente yo lokue gi ayo i mafananaan nu Beauty Pagent Association ni muna guaguaha Beauty Pagent kada sakan. Kwarto anos Prumisidente yo gui. Huchagiha lokue maapunta komo Chairman gi gi ayo i mafananaan Head Start Policy Council, dos anos de manietbe yo gui, komo Chairmana. guihe na Organizasion. A. guaha siha pumalo Organizasion nai sumaunau yo lokue, a. ti komo presidenti lau komo membro. Gi presentia maapunta yo komo secretaria, pat secretario, gui gi Team Center, guine giya Chalan Kanoa. Ni hinahandle ni Caridad. Yan ma ilihi yo lokue para baihu Vice-President gui gi State Rehabilitation Council, Ni gaigi gi papa i Gobietno .

Q. 11 Si Yuus Maase nu... I primet na Constitutional Convention gi mit nueve sientos sitentai sai, 1976 yan gi Sigundu gi mit nueve sientos ochentai sinko 1985, hutungo hau na Deligado nu un ganna ya un representa Saipan gi Constitutional Covention, Nu hafa mohon inatanmo gi dos biahe ni manietbe hau i mas dangkulo accomplishment gi Constitution?

A. 11 I finenina na Constitution ni mafatinas gi sitentai sais na sa-kan, Gi inatanho na tres na attikulo man gos importante gi ban-dan este na Constitution. Finenina yan i mas importanti ayi i mafotman i Gobietnamento. I Constitution muna fumotma este i offesinan i Gobietno, yan todo i Depatamento siha gi halom i Gobietno. I Constitution gi 1976 fumotma este i Legislature, guiya muna guaha este Legislatura. Guiya lokue nu fumotma i Public Land Cooperation, para u protehe i tano i publico. Yan nu ayi i mafananaan nu a...hafada humahandle ayi i Labor gihalom i i...Commission...i ...ni humahandle i Civil Service Commission. I civil Service Commission, ma establisa para u protehe i empli-au i gobietno siha. Nu gi inatanho, na i mafotman i Gobietnamento ni taya antes di i Constitutions anai mafortma gi Constitution ayigi sumen dangkulo na attikulo. I segundo ni tana guaha gi iyota Constitution gos importanti ayi i protection i individuatuat, kontra i Gobietno. Pot ihemplo tana guaha gi Constitution na antes di un makastiga ni gobietno, debidi un manae ni ayo i mafananaan due process, debidi un ma kotti ya un ma preba na umi-sau hau. Antes di un makastiga . Dangkulo na protection enau para i individuatuat, kontra i gobietnamento. Tana guaha ni ayo i mafana-naa nai" Bill of Right", Gi Constitution.iya America. Nu yangin taya ni enau na protection "The Right TO Privacy", The Right to Do Process, The Right To Equal Protection of The Law. Yangin ti tana guaha ni enau na protection, gi Constitution nai, Sina i gobietnamento ha honnio i individuatuat ya hanafan chatsaga linala-ta, tat komo man ma-susesedi siha gi pumalo siha na tano. Pagoha gi egaan nu hu tataitai gi news, guaha nu giya, malega yo kau gi ya Afganistan pat mano na guenau siha guato na lugat, umasaga un palauan yan nu a..son in law, hafa dai gi fino Chamorro, kau Jitnonna, umasaga palauan yan Jitnonna. Pues sigun gi kostumbren este na lugat nu tisina machogue enau. Pues i village council,

madisidi na para uma puno este i dos, pues mapaki nai, makonnek ya mapaki. Gi sin kotti. Gi tanota tisina masusedi enau na klasi sa guaha protection para i individuat. Nu ennigi segundo. I mina tres ni ilegko gof importanti gi fineninana Contitutions, Convention i ayo i protection i tanota. Tana guaha gi Contitution na taya sina gumai tano guine gi Commonwealth na soloha i tautau tano. Ni ayo i man Chamorro yan Man Refalauwas. Sigun i sinisede destisitentai sais asta pago na tiempo nai, yangin taigui gi Contitution ayi na protection i tautautaha sina man gaitano, megagai gi tano nai man.... megagai gi tanota, megagai nai man gai tano, man malingo tano niha. Man ma biendi gi anai matutuhon ayi ...tafananaan gi fino English Economic Boon, anai machuda halom i salapi, anai bula Chapanes yan pumalo siha na Nation, mannahalom ya manmalago manmamahan tano, Bula ginen Korea lokue yan China. Yangin taya ayo na protection gi Constitution megai tautau bumendi tano niha ya esta mapas malingo. Lau pot rason na gaigi ayo na protection gi Constitution, mimegaina gi tau-tau ti mabiendi lau ma-atkila i tano. Pues hulilie pago ni megai ni ayo na tautau ni matkila tano niha nai, Despues man man atkila nu hokog salapenia pat sino man hanau, mabibira talo tatte gi man gai tano sa matai i lease sa tima kontinua. Mauleg na gaigi ayo gi Constitution ya ti ma biendi i tano niha. Sa komo mabiendi, esta hokog. Megai tano man mapas, ya man gaigi pago gi kanai san hiyong siha na tautau.

Q. 12 Okay, Si Yuus Maase Justice ni este i tiempo ni unyuti para, paraun nae ham infortmation pot i expirensiammo yan tododo. I uttimo na gestiona na baihu faisen hau pago na ogaan. Hafa mohon na abisu malago hau para un sangane i tautauta, Parehoha gi halom i kotti pat i comunidadta guine giya Saipan. Hafa na advises ni ayo i malago hau hau antes de un dingo enau na puestu para un sagane i tautauta?

A. 12 I mas yahululu, malago yo para baihu mentiona, antes de para tafan halom guine gi Commonwealth, antes de tafan halom guine gi Covenant i Gobietno ni matatachon guine, ti gobietnota. I Lai ni man maapli-ka guine ti laita. Man mafatitinas i Lai giya America. Ya manafan hahanau magi, Ya i tautau ni mangaigi guine, ni dumisisidi hafa para umachogue gi Gobietno ti tautauta na tautau hiyong. I Trust Territory Government. Anai man halom hit guini gi Commonwealth yan gi Covenant,

i ya hululu na rason na man halom hit sa para ta gobiernan maisa hit. Parata chuli ginen i Trust Territory este na pueto, ya tanaan maisa hit ya hita tafan tachu gi dos patasta. Huripara na tilibiano este sa paraehoha yan ayi yangin esta mato i patgon gi benti anos nai ya esta umueskuela, ya esta kapas, sina un sotta ya guiyaha na maisa. U-espia linalana ya ugai familia. Lau anai man masotta hit, nu kailan megai giya hita timan maniuniuli trambia expiensa yan ti man eskuela, put bandan gobiernan yan taiguenau siha. Pues gai minakat i para ta gobiernan maisa hit, gi tutuhon ya megai esta na nu ta-alog nu megai na manera nai, nai tita danchi cabaless mona taimano para chogueta ni developmenton i economia yan i politica yan i education yan taiguenau siha. Yangin para uta adelantanta mona i kinalamenton i tautauta, i gobiernamento, i economia. Gaigi i fundamentonna este na na nesidad gi education yan training. Yangin ta na fan eskuela i tautauta kabales ya tachonneg mona gi bandan i education yan nu bandan training, ni ayo i para ufan kapas masea mano guatonai man mapolo man kapas, yangin un natachu i maestro gi class, kapas na maestro patmaestra sa emueskuela kabales ya manae mauleg na training. Yangin para utacho gi bandan accounting, pues u kapas na accountant. Yangin para ufatachon gi bandan Agrikultura, pues debide ukapas gi bandan agrikultura. Yangin tanafan kapas i tautauta pues todo kinalamenton i gobiernon mona yan i economia mas mauleg para hita. Lau yangin tita chonneg mona, i bandan i education, yan training, mas hit despasio mona i producto. mas despasio mona i kinalamenton yan mas megai na linachi para tachogue gi an man sigi hit mona parata developed i tanota.

Q.13 Si Yuus maase Judge Viallomez, pot enau na mensahi ya abisu para i tautauta ya talo un biahe, Enkuenta i Northern Marianas College yan i Archives, en nanee hau dangkulo na appraisasion, yan si Yuus Maase ni i unna possible i tiempommo para baien interviewed hau pago na Si mas talo un biahe si Yuus Maase.

A..13 Si Yuus Maase lokue